

漢魏六朝百三名家集

明·张溥
编

漢魏六朝百三名家集

4

江蘇廣陵古籍刻印社

張長史集題詞



吳郡張氏之盛前有敷演鏡暢後有
充融卷稷融字思光孔德璋所謂外
兄張長史也張氏世理音辭修儀範
思光獨詭越驚人似一狂士然孝親
敬嫂感德重義人倫之際何疊疊也

張長史集

題詞

一

自序文章云不阡不陌非途非路後
有狀者不如其善自狀也海賦文辭
詭激欲前無木華雖體致未諧藩籬
已判傳詩絕少落落如之白雲清風
孤臺明月想見其人通源定本直謂
百聖同投本末無異周子長辨倒兵

乃已彼生平談論總無師法白日發

歌鴻飛起悟孤神獨逸窺其意好似
慕北海與之同名然謂天下有兩融
又掉頭不受也獠賊厲刃高詠洛生
浮海大風乾魚寄傲天子賜衣尚書
趨拜曾何足慕具此天性固思光文

張長史集

題詞

二

字所由出乎

婁東張溥題

南齊張長史集目錄

賦

海賦

箋

與豫章王嶷箋

書

與從叔永書

與王僧虔書

與從弟瓌書

張長史集

目錄

一

答周顒書

與周顒論釋法寵書

論

門論

序

問律自序

誠

臨卒戒子

詩

白日歌

蕭史曲

憂且吟

別詩

附錄

本傳

張長史集

目錄

二

張長史集目錄終

華遊風秋瀨泳景登春伏鱗漬綵昇魴洗文若

是乎山海藏陰雲塵入岫天英徧華日色盈秀

則若士神中。琴高道外。袖輕羽以衣風。逸玄磻
於雲帶。筵秋月於源潮。帳春霞於秀瀨。曬蓬萊
之靈岫。望方壺之妙闕。樹暹日以飛柯。嶺回峯
以蹴月。空居無俗。素館何塵。谷門風道。林路雲
真。若乃幽崖_夾阨_夾。隈_夾隘_夾之窮。駿波虎浪之
氣。激勢之所不攻。有卉有木。爲灌爲叢。路縹緲
雜。結葉相籠。通雲交拂。連韻共風。蕩洲礫_角崖。
而千里若崩。衝崖沃島。其萬國如戰。振駿氣以
擺雷。飛雄光以倒電。若夫增雲不氣。流風歛聲。

張長史集

卷全

賦

五

瀾文復動。波色還驚。明月何遠。沙裏分星。至其
積珍全遠。架寶諭深。瓊池玉壑。珠岫珙岑。合日
開夜。舒月解陰。珊瑚開續。瑠璃竦華。丹文鏡色。
雜照冰霞。洪洪潰潰。浴于日月。淹漢星墟。滲河
天界。風何本而自生。雲無從而空滅。籠麗色以
拂烟。鏡懸暉以照雪。爾乃方貞去我。混然落情。
氣暄而濁。化靜自清。心無終故。不滯志不敗而
無成。旣覆舟而載舟。固以死而以生。弘芻狗於
人獸。導至本以充形。雖萬物之日用。諒何緯其

何經道湛天初。機茂形外。亡有所以而有。非膠
有於生末。亡無所以而無。信無心以入太不動。
動是使山岳相崩。不聲聲故能天地交泰。行藏
虛於用舍。應感亮於圓會。仁者見之謂之仁。達
者見之謂之達。喆者幾於上善。吾信哉其爲大
矣。

張長史集

卷全

賦

六

與豫章王嶷箋

朱謙之吳郡錢塘人父昭之假葬田側為族人幼方所焚謙之雖小便哀戚如執喪事長不婚娶永明中手刃殺幼左諸獄自繫時嶷為郡刺史別駕孔稚珪兼記室劉琨司徒左西掾張融牋上嶷嶷言之世祖嘉其義乃遣謙之隨曹虎西行將發切方子憚於津陽門何殺謙之謙之之兄遜之又刺殺暉世祖曰此皆義事不可問悉赦之

禮開報仇之典以申孝義之情法斷相殺之一以表權時之制謙之揮刃軒冕既申私禮繫以

張長史集

卷全 箋

七

就死又明公法今仍殺之則成當世罪人宥而治之即為盛朝孝子殺一罪人未足弘憲活一孝子實廣風德張緒陸澄是其鄉舊應具來繇融等與謙之並不相識區區短見深有恨然

與從叔永書

融昔稱幼學早訓家風雖則不敏率以成性布衣革席弱年所安簞食瓢飲不覺不樂但世業清貧民生多待榛栗修女贊既長束帛禽鳥男禮已脩勉身就官十年七仕不欲代耕何至此事昔者三吳一丞雖屢舛錯今聞南康缺守願得為之融不知階級階級亦可不知融政以求丞不得所以求郡求郡不得亦可復求丞

張長史集

卷全 書

八

與王僧虔書

融天地之逸民也進不辨貴退不知賤兀然造化忽如草木實以家貧累積孤寡傷心八姪俱孤二弟頗弱撫之而感古人以悲豈能山海陋祿申融情累阮籍愛東平土風融亦欣晉平閑外

與從弟瓌書

昇明元年劉彥節有異圖弟退為吳郡潛相影響齊高帝密令瓌取退諸張世即授瓌吳郡太守融與瓌書

吳郡何晚何須王反聞之嗟驚乃是阿兄

答周顒書

并答所問

張融曰吾未能忘身故有情身分外既化極魂首復爲子弟留地不欲使方寸舊都日夜荒沒平生所困橫植而草所以製是門律以律其門非佛與道門將何律故告氣緩命憑魄申陰數感十應通源定本實欲足下發子奇意果能翔廣起情妙見正折既赴所志今爲子言

周之問曰論云致本則同請問何義是其所謂

張長史集

卷全

書

九

本乎答彼周曰夫性靈之爲性能知者也道德之爲道可知者也。能知而不知所可知非能知之義可知而不爲能知所知非夫可知矣。故知能知必赴於道可知必知所赴而下土雷情彼照鼓欲噪神精明驅動識用沈藹所以倒心下漣。昭隔於道。至若伯陽專氣致柔停虛任魄載營抱壹居疑通靜靜唯通也。則照無所沒魄緒停虛故融然自道足下欲使伯陽不靜甯可而得乎。使靜而不怕道亦于何而可得。今既靜而

兩神神靜而道二。吾未之前聞也。故逗極所以一爲性遊簡且韻猖狂曠不能復行。次戰思定霸宇內。但敷生靈以疎志。庶足下罔象以捫珠。是以則帝屬五而神常一。皇有三而道無二。鳧乙之交定者鴻乎。吾所以直其繩矣。

周之問曰言道家者豈不以二篇爲主言佛教者亦應以般若爲宗。二篇所畧義極虛無般若所觀照窮法性虛無法性其寂雖同住寂之方其旨則別。答彼周曰法性雖以卽色圖空虛無

張長史集

卷全

書

十

誠乃有外張義然環會其所中足下當加以牛思也。至夫遊無蕩思心塵自拂思以無蕩一舉形上。是雖忘有老如騫釋然而有忘釋不伐老當其神地悠悠精和坐廢寂然以湛其神遂通以冲其用登其此地吾不見釋家之與老氏陸其此意吾孰識老氏之與釋家逗極之所以無二親情故妙得其一矣。直以物感旣分應物難合。今萬象與視聽交錯視聽與萬象相橫著之旣已深却之必方淺所以苦下之翁且藏卽色

順其所有。不震其情。尊其所無。漸情其順。及物有潛去。人時欲無。既可西風畫舉而致。南精夕夢。漢魂中寐。不其可乎。若卿謂老氏不盡乎。無則非期於得意。若卿謂盡無而不盡。有得意。復爽吾所期。卿若疑老氏盡有。而不亮以教。則釋家有盡。何以峻迹。斯時。卿若以釋家時宜。迹峻其猶老氏。時峻此迹。逗極之同。茲焉余意。

周之問曰。論云。時殊故不同。其風是佛教之異於道也。世異故不一。其義是道言之乖於佛也。

張長史集

卷全

書

十一

道佛兩殊。非鳧則乙。答彼周曰。非鳧則乙。迹固然矣。迹固其然。吾不復答。但得其世異時殊。不宜異其所以之異。

周之問曰。未知高鑒。緣何識本。答彼周曰。綜識施本。已吐前牘。吾與老釋相識。正如此。正復是目擊道斯存。卿欲必曲鞠其辭。吾不知更所以自訟。

周之問曰。若猶取二教以位其本。恐戰獄方興。未能聽訟也。答彼周曰。得意有本。何至取教。

周之問曰。若雖因二教同測教源者。則此教之源。每沿教而見矣。答彼周曰。誠哉。有是言。吾所以見道。未壹於佛。但吾之卽此言。別有奇。卽耳。周之問曰。自應鹿巾環杖。悠然自擊。儒墨間問。從來何譚。答彼周曰。虞芮二國之鬪。田非文王所知也。碎白玉以泯鬪。其別有尊者乎。況夜戰一鴻。妄巾鳧。斯自鹿巾之空負頭上。環杖之自誣掌中。吾安得了之哉。

張長史集

卷全

書

十二

宜均去取。奚爲翔集。所向勤務。唯佛專氣。抱一無謹於道乎。答彼周曰。應感多端。神情數廣。吾不翔翮於四果。卿尚無疑其集佛。吾不翔翮於五通。而於集道。復何嘆。且寶聖宜本。迹匪情急。矧吾已有所集。方復移其翔者邪。卿得其無二於兩楹。故不峻督其去取。

周之問曰。吾則心持釋訓。業愛儒言。未知足下雅意。佛儒安在。爲當本一末殊。爲本末俱異邪。答彼周曰。吾乃自元混百聖。同投一極。而近論。

通源儒不在議足下今極其儒當欲列儒圍道故無屬垣耳隙思潛師夜以遂圖掩天城恐難升之險非子所躋則吾見師之出不見其入也吾已謂百聖同所投何容本末俱其異更以瀝勢倒兵恣卿智勇吾之勇智自縱橫湊出

周顒重答張長史書

并問

周顒頓首夫可以運寄情抱非理何師中外聲訓登塗所奉而使此中介分然去留無薄是則怏怏失路在我奚難足下善欲言之吾

張長史集

卷全

書

三

亦言之未已也輒復往研遲承來析

通源曰法性雖以卽色圖空虛無誠乃有外張義所以苦下之翁且藏卽色順其所有不震其情尊其所無漸情其順周之問曰苦下之藏卽色信矣斯言也更恐有不及於卽色容自託以能藏則能藏者廣或不獨出於厲鄉耳夫有之爲有物知其有無之爲無人識其無老氏之署有題無無出斯域是吾三宗鄙論所謂取捨驅馳未有能越其度者也佛

教所以義奪情靈言詭聲律蓋謂卽色非有故擅絕於羣家耳此塗未明在老何續但紛紛橫沸皆由著有之家因俗茲焉是患旣患由有滯而有性未明矯有之家因崇無術有性不明雖則巨蔽然違誰尚靜涉累實微是

道家之所以有埤弘教前白所謂黃老實雄

者也正何舊說皆云老不及聖若如斯論不得影響於釋宗矣吾之位老不至乃然大夫士應世其體無方或爲儒林之宗或爲國師

張長史集

卷全

書

四

道士斯經教之成說也乃至宰官長者咸託身相何爲老生獨非一跡但未知涉觀淺深品位高下耳此皆大明未啟權接一方日月出矣燭火宜廢無餘旣說衆權自寢足下猶欲抗遺燎於日月之下明此火與日月通源旣情崇於日月又無侮於火本末知此火本者將爲名乎將或實哉名而已邪道本安在若言欲實之日月爲實矣斯則事盡於一佛不知其道也通源之旨源與誰通

通源曰當其神地悠悠精和坐廢登其此地
吾不見釋家之與老氏陟其此意吾孰釋老
氏之與釋家又曰今既靜而兩神神靜而道
二吾未之前聞也又曰伯陽專氣致柔停虛
任魄魄緒停虛故融然自道也又曰心塵自
拂一舉形上周之間曰足下法性雖以卽色
圖空虛無誠乃有外張義竊謂老釋重出對
分區野其所境域無過斯言然則老氏之神
地悠悠自悠悠於有外釋家之精和坐廢每

張長史集

卷全

書

圭

坐廢於色空登老氏之地則老異於釋涉釋
氏之意則釋氏殊於老神既靜而不兩靜既
兩而道二足下未之前聞吾則前聞之矣苟
然則魄緒停虛是自虛其所謂虛融然自道
亦非吾所聞道若夫心塵自拂一舉形上皆
或未涉於大方不敢以通源相和也
通源曰足下欲使伯陽不靜甯可而得乎使
靜而不怕道亦于何而不得周之間曰甚如
來言吾亦慮其未極也此所謂得在於神靜

失在於物虛若謂靜於其靜非曰窮靜魄於
其魄不云盡魄吾所許也無所間然

通源曰若卿謂老氏不盡乎無則非想期於
得意若卿謂盡無而不盡有得意復爽吾所
期周之間曰盡有盡無非極莫備知無知有
吾許其道家唯非有非無之一地道言不及
耳非有非無三宗所蘊倘瞻餘慮惟足下其
眇之念不使得意之相爽移失於有歸耳

通源曰非鳧則乙蹟固然矣蹟固其然吾不

張長史集

卷全

書

圭

復答又曰吾與老釋相識正如此正復是自
擊道斯存又曰得意有本何至取教又曰誠
哉有是言吾所以見道來一於佛周之間曰
足下之所目擊道存得意有本想法性之真
義是其此地乎佛教有之足下所取非所以
何至取教也目擊之本卽在教跡謂之鳧乙
則其鴻安漸哉諸法真性老無其旨目擊高
情無存老蹟旨蹟兩亡索宗無所論所謂無
侮於道本當無侮於何地哉若謂探道家之

跡見其來一於佛者則是真諦實義公文可見矣將公於道章而得之乎爲公於德篇而遇之也若而無所公而玄德於方寸者此自足下懷抱與老釋而爲三耳或可獨樹一家非老情之所敢逮也

通源曰虞芮二國之鬪田非文王所知也斯自鹿巾之空負頭上環杖之自誣掌中吾安能了之哉周之問曰足下謂苦下之且藏卽色則虛空有闕矣足下謂法性以卽色圖空

張長史集

卷全

書

七

則法性爲備矣今有人於此操環杖而言法性鹿巾之士執虛無而來誚曰爾不同我吾與爾闕足下從容倚棘聽斷於其間曰皆不可也謂其鹿巾空負於頭上環杖自誣於掌中以足下之精明特達而判訟若斯良虞芮之所以於邑也

通源曰吾不翔翮於四果卿尚無疑其集佛吾融不翔於五通而於集道復何晦周之問曰足下不翔翮於四果猶勤集於佛教翮不

翔於五通何獨棄於道跡乎理例不通方爲彼訴

通源曰當欲列儒圍道故先屬垣隙周之問曰足下通源唯道源不及儒吾因疑其闕是以相訪但未知融然自道唯道能融將道之融然修儒可會邪雖非義本縱言宜及想釋本多暇幸惠餘音弘明集釋僧祐云余尋周張難問雖往復積卷然兩家立意理在初番故畧其後文旨存義本

與周頤論釋法寵書

法寵姓馮南陽冠軍人寓海鹽納妻牛年

張長史集

卷全

書

六

捨家任興皇寺從道猛墨齊學成實論融與頤書稱之

古人遺族故留兒女法寵法師絕塵如棄唾若斯之志大矣遠矣

論

門論

吾門世供佛舅氏奉道道也與佛逗極無二寂然不動致本則同感而遂通達迹成異其猶樂之不沿不隔五帝之秘禮之不襲三皇之聖豈三與此皆殊時故不同其風異世故不一其義安可輒駕庸愚誣調神極吾見道士與道人戰儒墨道人與道士獄是非昔有鴻飛天道積遠難亮越人以爲鳬楚人以爲乙人自楚越耳鴻

張長史集

卷全

論

尤

常一鴻乎夫澄本雖一吾自俱宗其本鴻迹既分吾已翔其所集汝可專遊於佛迹而無侮於道本書於二何兩孔周剡山茨

少子致書諸遊生者曰張融白鳥哀鳴於將死人善言於就暮頃既病盛生衰此亦魂留幾氣況驚舟失施於空壑山足無絆於澤中故視陰之間雖寸每遽不縫不徙也欲使魄後餘意繩墨弟姪故爲門律數感其一章通源二道今奏諸賢以爲何若

周顒難張長史門論書

并問顒於鍾山立山茨精舍

與張融還輒以玄言相滯彌日不解

周剡山茨歸書少子曰周顒頓首懋製來班承復峻其門則參子無踞誠不待獎敬尋同本有測高心雖神道所歸吾知其主然自釋之外儒綱爲弘過此而能與仲尼相若者黃老實雄也其教流漸非無邪弊素樸之本義有可崇吾取捨舊懷粗有涇渭與奪之際不至朱紫但蓄積懷抱未及厝言耳途軌乖順

張長史集

卷全

書

手

不可謬同異之聞文宜有歸辨來旨謂致本則同似非吾所謂同時殊風異又非吾所謂異也久欲此中微舉條裁幸因雅趣試其極言且略如左遲聞深況

通源曰道也與佛逗極無二寂然不動致本則同感而遂通達迹誠異周之問曰論云致本則同請問何義是其所謂本乎言道家者豈不以二篇爲主言佛教者亦應以般若爲宗二篇所貴義極虛無般若所觀照窮法性

虛無法性其寂雖同住寂之方其旨則別論
所謂逗極無二者爲逗極極於虛無當無二
於法性邪將二塗之外更有異本儻虛無法
性其趣不殊乎若有異本思告異本之情如
其不殊願聞不殊之說

通源曰殊時故不同其風異世故不一其義
吾見道士與道人戰儒墨道人與道士獄是
非昔有鴻飛天道積遠難亮越人以爲鳬楚
人以爲乙人自楚越耳鴻常一鴻乎夫澄本

張長史集

卷全

書

三

雖一吾自俱宗其本鴻跡旣分吾已翔其所
集周之問曰論云時殊故不同其風是佛教
之異於道也世異故不一其義是道言之乖
於佛也道佛兩殊非鳬則乙唯足下所宗之
本一物爲鴻耳驅馳佛道無免二乖未知高
鑒緣何識本輕而宗之其有旨乎若猶取二
教以位其本恐戰獄方興未能聽訟也若雖
因二教同測教源者則此教之源每泐教而
見矣自應鹿巾環杖悠然目擊儒墨闇闇從

來何諍苟合源其是分跡雙非則二跡之用
宜均去取奚爲翔集所向勤務唯佛專氣抱
一無謹於道乎言精旨遠企聞後要

通源曰汝可專遵於佛跡而無侮於道本周
之問曰足下專遵佛跡無侮道本吾則心持
釋訓業愛儒言未知足下雅意佛儒安在爲
當本一末殊爲本末俱異邪旣欲精探彼我
方相究涉理類所關不得無請

張長史集

卷全

書

三

序

問律自序

吾文章之體。多爲世人所驚。汝可師耳以心。不可使耳爲心師也。夫文豈有常體。但以有體爲常。政當使常有其體。丈夫當刪詩書制禮樂。何至因循寄人籬下。且中代之文。道體闕變。尺寸相資。彌縫舊物。吾之文章。體亦何異。何嘗顛溫涼而錯寒暑。綜哀樂而橫歌哭哉。政以屬辭多出。比事不羈。不阡不陌。非途非路耳。然其傳音。張長史集 卷全 序 三

振逸鳴節。疎韻或當未極。亦已極其所矣。汝若復別得體者。吾不拘也。吾義亦如文造次。乘我顛沛。非物吾無師。無友。不文。不句。頗有孤神。獨逸耳。義之爲用。將使性入清波。塵洗猶沐。無得鈞聲。同利舉。價如高俾。是道場險。成軍路。吾昔嗜僧言。多肆法辯。此盡遊乎言笑。而汝等無幸。又云。人生之口。正可論道說義。惟飲與食。此外如樹網焉。吾每以不爾爲恨。爾曹當振網也。

誠

臨卒誠子

手澤存焉。父書不讀。況文音情。婉在其韻。吾意不然。別遺爾音。吾文體英絕。變而屢奇。旣不能遠。至漢魏故無取。嗟晉宋豈吾天挺。蓋不隕家聲。汝若不看父祖之意。欲汝見也可號哭而看之。

張長史集

卷全

誠

三

詩

白日歌

序曰懸象著明莫大于日月而彼日月不能
不謝固知無隼衰爲盛之終盛爲衰之始故
爲白日歌

白日白日舒天昭暉數窮則盡盛滿則衰

蕭史曲

引響猶天外吟聲似地中戴勝噪落景龍歎清
霄風

張長史集

卷全

詩

圭

憂且吟

鳴琴當春夜春夜當鳴琴羈人不及樂何似千
里心

別詩

白雲山上盡清風松下歇欲識離人悲孤臺見
明月

本傳

張融字思光弱冠有名道士同郡陸修靜以白
鷺羽摩尾扇遺之曰此旣異物以奉異人解褐
爲宋新安王子鸞行參軍王母殷淑儀薨後四
月八日建齋并灌佛僚佐餽者多至一萬少不
減五千融獨注餽百錢帝不悅曰融殊貧當序
以佳祿出爲封溪令從叔永出後渚送之曰似
聞朝旨汝尋當還融曰不患不還政恐還而復
去及行路經嶂險獠賊執融將殺食之融神色

張長史集

卷全

傳

圭

不動方作洛生詠賊異之而不害也浮海至交
州於海中遇風終無懼色方詠曰乾魚自可還
其本鄉肉鋪復何爲者哉又作海賦文辭詭激
獨與衆異後以示鎮軍將軍顧覲之覲之曰卿
此賦實超玄虛但恨不道鹽耳融卽求筆注曰
漉沙構白熬波出素積雪中春飛霜暑路此四
句後所足也覲與融兄有恩好覲卒融身負墳
土在南與交趾太守卜展善展於嶺南爲人所
殺融挺身奔赴舉秀才對策中第爲尚書殿中